

大清會典

卷之一百二十三

刑部

律例十四 刑律五

犯姦

雜犯

捕亡

大清會典卷之一百二十三 本夫刑部十五



律例十四 刑律五

犯姦

凡和姦杖八十。有夫者各杖九十。刁姦者杖一

百。○強姦者絞。未成者杖一百。流三千里。○奸

幼女十二歲以下者。雖和同強論。○其和姦刁

姦者。男女同罪。奸生男女。責付姦夫收養。奸婦

從夫嫁賣。其夫願留者。聽。若嫁賣與奸夫者。奸

夫。本夫各杖八十。婦人離異歸宗。財物入官。○

夫。本夫各杖八十。婦人離異歸宗。財物入官。○

強姦者。婦女不坐。○若媒合容止通姦者。各減犯人罪一等。○私和姦事者。各減二等。○其非奸所捕獲。及指奸者。勿論。若奸婦有孕。罪坐本婦。文十二歲以下。皆同。○其味。康熙元年題准。凡奸婦有孕。犯死罪者。俟生產後立決。○十八年議准。凡惡棍聚眾。將良家子弟搶去。強行鷄奸。爲首者。立斬。爲從者。俱擬絞監候。若係和同者。照律治罪。

縱容妻妾犯奸

大節凡縱容妻妾與人通奸。本夫。奸夫。奸婦。各杖九

十。抑勒妻妾。及乞養女。與人通奸者。本夫。義父。各杖一百。奸夫。杖八十。婦女不坐。並離異歸宗。○若縱容抑勒親女。及子孫之婦妾。與人通奸者。罪亦如之。○若用財買休賣休。和娶人妻者。本夫。本婦。及買休人。各杖一百。婦人離異歸宗。財禮入官。若買休人。與婦人用計逼勒本夫休棄。其夫別無賣休之情者。不坐。買休人。及本婦。各杖六十。徒一年。婦人餘罪收贖。給付本夫。從其嫁賣。妾減一等。媒合人。各減犯人罪一等。○

凡姦同親屬相姦。文無罪。○其味。○

凡姦同宗無服之親及無服親之妻者各杖一

百強者姦夫斬○姦內總麻以上親及總麻以上親

之妻若妻前夫之女同母異父姊妹者各杖一

百徒三年強者斬若姦從祖祖母姑從祖伯叔

母姑從父姊妹母之姊妹及兄弟妻兄弟子妻

者各決絞強者姦夫斬惟強奸小功再從姊妹

服者監候斬○若奸妻之親生母○若奸父祖

妾伯叔母姑姊妹子孫之婦兄弟之女者各決

斬○妾各減一等強者絞決不坐並黜異親宗

十一凡親屬犯姦至死罪者若強奸未成依律

問發邊衛克軍人

一凡犯奸內外總麻以上親及總麻以上親

之妻若妻前夫之女同母異父姊妹者依律

擬罪姦夫發附近衛克軍罪

誣執翁奸文

凡男婦誣執親翁及弟婦誣執夫兄欺奸者斬

對奴及雇工人姦家長妻妻

凡奴及雇工人姦家長妻女者各斬決○若姦

家長之期親若期親之妻者絞婦女減一等若

姦家長之總麻以上親及總麻以上親之妻者

各杖一百。流二千里。强者斬。○妾各減一等。强者亦斬。康熙元年題准。凡官員兵丁之侍妾。與本家奴僕通姦者。男婦俱立絞。○七年覆准。將立絞之例。改爲監候。秋後處決。

姦部民妻女

凡軍民官吏奸所部妻女者。加凡奸罪二等。各罷職役不敘。婦女以凡姦論。○若姦囚婦者。杖一百。徒三年。囚婦止坐原犯罪名。○凡軍職及應襲舍人犯奸。除姦所捕獲及

姦刁姦坐擬姦罪者。官革職。與舍人俱發本衛。宗隨舍餘食糧差操。其指姦及非姦所捕獲者。

各俱照常發落。凡居父母及夫喪。若僧尼道士女冠犯姦者。各

因加凡姦罪二等。相姦之人。以凡姦論。○東照人。一僧道不分有無度牒。及僧尼女冠犯姦者。

凡依律問罪。各於本寺觀庵院門首。枷號一個。

凡月發落。

一僧道官。僧人道士。有犯挾妓飲酒者。俱問。

發原籍爲民人。良賤相姦。

凡奴姦良人婦女者。加凡姦罪一等。良人姦他人婢者。減凡姦一等。奴婢相姦者。以凡姦論。國初定。凡姦有夫之僕婦者。責二十七鞭。○康熙元年題准。凡家長奸家下有夫之婦者。照例鞭責。係職官。罰俸一箇月。婦人免罪。奴婢通姦者。各鞭一百。其官員兵丁之侍婢。與軍民人。及別家奴僕通姦者。俱各鞭一百。○十二年議准。凡姦家下有夫之僕婦者。照不應輕律。笞四十。民

人有犯。亦照此例。○二十三年議准。家主姦家下有夫之婦者。係平人。笞四十。係官。罰俸六個月。

官吏宿娼

凡官吏宿娼者。杖六十。媒合人。減一等。○若官員子孫宿娼者。罪亦如之。附過。候襲蔭之日。降一等。於邊遠叙用。凡娼優樂人。買良人子女爲娼優。及娶爲妻妾。或乞養爲子女者。杖一百。知情嫁賣者。同罪。媒

合人。減一等。財禮入官。子女歸宗。賣背。同罪。縱
凡買良家子女作妾。并義女等項名目。縱
容抑勒與人通奸者。本夫義父問罪。於本家
一門首枷號一個月發落。若樂工私買良家子
員女為娼者。不分買賣媒合人等。亦問罪。俱於
凡院門首枷號一個月。婦女並發歸宗。○若官

雜犯

拆毀申明亭

凡拆毀申明亭房屋。及毀板榜者。杖一百。流三
千里。○二十一

凡軍士在鎮守之處。丁夫雜匠。在工役之所。而
有疾病。當該官司。不為請給醫藥救療者。笞四
十。因而致死者。杖八十。若已行移所司。而不差
撥良醫。及不給對症藥餌醫治者。罪同。凡一
凡賭博財物者。皆杖八十。攤場財物入官。其開
張賭坊之人。同罪。止據見發為坐。職官加一等
○若賭飲食者。勿論。凡賭博人犯。若自來不務生理。專一沿街

酏酒撒潑。或曾犯誑騙竊盜。不孝不弟等項。○罪名。及開張賭坊者。定爲第一等。問罪。枷號二個月。若平昔不係前項人犯。止是賭博。但具有銀兩衣服錢物者。定爲第二等。問罪。枷號一個月。各發落。若年幼無知。偶被人誘引在內者。定爲第三等。照常發落。其職官有犯一。等二等者。奏請問罪。文官革職爲民。武官革職。隨舍餘食糧差操。請命習業。效無咎。答四。順治初定。凡犯賭博者。枷號。鞭責。被獲財物。一分給首告人克賞。二分入官。○六年定。凡旗下

官民人等賭博者。嚴拿治罪。追銀十兩。給拿首人克賞。該管佐領撥什庫。知而不舉者。問罪。○十一年覆准。凡開立賭場之人。照律枷號兩個月。係旗下人。鞭一百。民人。責四十板。賭博之人。枷號八日。照例鞭責。仍追銀給賞。○十五年覆准。凡賭博人犯。係民。杖一百。徒三年。係旗下。枷號一個月。鞭一百。開立賭場之人。係民。杖一百。流三千里。係旗下。枷號兩個月。鞭一百。兩隣。知而不舉者。係民。責四十板。係旗下。鞭一百。五城司坊官。不行嚴拿者。交部議處。○十八年覆准。

凡甲兵在出征處賭博。及開塲者。俱照例治罪。兩隣知而不首者。鞭一百。所管撥什庫。鞭五十。將現獲銀錢。一分給出首之人。二分入官。○康熙二年令。將賭博銀錢。一半給與出首之人。一半入官。○七年題准。凡招集賭博之人。放頭抽頭者。係旗下。枷號兩個月。鞭一百。係民。責四十板。流三千里。官員有犯賭博。枷責者。不准折贖。○又議准。凡賭博之人。係旗下。枷號兩個月。鞭一百。係民。責四十板。流三千里。其開塲及放頭抽頭者。係旗下。枷號三個月。鞭一百。係民。責四

十板。克軍。該管官不行查拿。被人首發。係旗下人犯賭博。將失察之佐領。驍騎校。每一起。罰俸一個月。每叅領下。至二起者。叅領。罰俸一個月。每旗下。至三起者。該管都統。副都統。俱罰俸一個月。撥什庫。每起鞭五十。民犯賭博。將失察之司坊官。每起罰俸三個月。巡城御史。至二起者。罰俸三個月。總甲。每起責二十板。巡捕營兵犯賭博。將失察之把總。每起罰俸三個月。遊擊。叅將。至二起者。罰俸三個月。府佐領下。有犯賭博。將失察之佐領。包衣。大。照在外佐領。驍騎校例。

處分。撥什庫鞭五十。至家僕有犯賭博。其主係官。罰俸一個月。係平人。責二十五鞭。係漢官。罰俸三個月。民人。責十板。該管員役俱免議。在外莊屯有犯賭博者。將屯撥什庫鞭五十。該管官并撥什庫及本主俱免議。府佐領下人有犯賭博者。該管都統等免議。此等人犯。係應管查拿之人。拿送者俱免議。至失察賭博之撥什庫屯撥什庫總甲人等。應鞭責者。槩不准折贖。○十一年覆准。凡以財物打馬弔鬪混江者。照賭博例治罪。其賭飲食等物者。照不應重律。係民。折

責三十板。係旗下。鞭八十。係官。罰俸一年。俱以現發有據爲坐。○十二年題准。民人犯賭博者。照旗下人例。分別枷號。責四十板。免其軍流。○十五年議准。失察賭博之司坊官。與把總。照旗下佐領例。每起罰俸一個月。二起者。將遊擊。叅將。照巡城御史。叅領一體。罰俸一個月。賭博中人出首者。免罪。仍將財物給賞一半。之人

闖割火者

賸致凡官民之家。不得乞養他人之子。闖割火者。違者。杖一百。流三千里。其子給親

皆一淨身人。曾經發回。若不候

朝廷收取。官司明文起送。私自來京。圖謀進用者。問

發邊衛充軍

人。一敢有私自淨身者。本身并下手之人處斬。全家發邊遠充軍。兩隣及歇家不舉首者。問不罪。有司里老人等。仍要時常訪察。但有此等之徒。即便捉拿送官。如或容隱。一體治罪。一民間有四五子以上。願以一子報官。闖割者。聽有司造冊送部。候收補之日選用。如有貴私割者。照例重治。鄰佑不舉。一併治罪。

康熙二十三年議准。凡闖割火者。係父母及本身情願者。聽。若有將人誑騙及強勒闖割者。仍照律治罪。

凡官吏諸色人等。曲法囑託公事者。笞五十。但備旨。囑即坐。當該官吏聽從者。與同罪。不從者不坐。若事已施行者。杖一百。所枉罪重者。官吏以故出入人罪論。若為他人及親屬囑托者。減官吏罪三等。自囑託已事者。加本罪一等。○若監臨勢要。為人囑託者。杖一百。所枉重者。與官吏同

罪。至死者。減一等。○若受贓者。並計贓。以枉法論。○若官吏不避監臨勢要。將囑託公事實跡。赴上司首告者。陞一等。又據風聞。其有官吏諭旨。凡有內外閑散官員人等。及民間豪惡黨類。並無職任。乃攬說公事。交結衙門。妄行訛詐。賄囑關通者。發覺之時。從重治罪。欽此。

私和公事

凡私和公事。減犯人罪二等。罪止笞五十。
東洲二失火。平請於八國歸火。各給文冊。又本

凡失火燒自己房屋者。笞四十。延燒官民房屋者。笞五十。因而致傷人命者。杖一百。罪坐失火之人。若延燒

宗廟及宮闕者。絞。○社。減一等。○若於

山陵兆域內失火者。杖八十。徒二年。延燒林木者。杖一百。流二千里。若於官府公廨及倉庫失火者。亦杖八十。徒二年。主守之人。因而侵欺財物者。因計贓。以監守自盜論。其在外失火而延燒者。各減三等。○若於庫藏及倉廩內燃火者。杖八十

○其守衛

宮殿及倉庫若掌囚者但見^內火起皆不得離所守。違者杖一百。

國初定。凡在行兵圍獵之處失火者鞭一百。○康熙九年議准。凡官員該管地方有失火延燒房屋者。罰俸三個月。沿燒文卷倉房者。罰俸一年。如將錢糧文冊擅藏私家以致焚燬者。降一級調用。○十五年議准。凡文武官員有違禁在

紫禁城內及倉庫

壇廟等處喫烟者革職。旗下人柳號兩個月。鞭一百。民人責四十板。流三千里。該管官不行捕首者

罰俸六個月。宗室覺羅有犯交與宗人府議。○

二十二年議定。五城巡捕營所屬地方有失火

延燒房屋十間以下卽行撲滅者免議。自十一

間以上至三十間者。吏目守備。罰俸九個月。兵

馬司指揮。叅將。遊擊。罰俸六個月。巡城御史。罰

俸三個月。延燒至三十一間以上者。吏目守備。

罰俸一年。兵馬司指揮。叅將。遊擊。罰俸九個月。

巡城御史。罰俸六個月。○二十三年議准。失火

延燒房屋二百間以上者。吏目守備。降一級調

用。兵馬司指揮。叅將。遊擊。降一級留任。巡城御

史。罰俸一年。延燒四百間以上者。吏目守備降
二級調用。兵馬司指揮叅將遊擊降一級調用。
巡城御史降一級留任。延燒六百間以上者。吏
目守備降三級調用。兵馬司指揮叅將遊擊降
二級調用。巡城御史降一級調用。
凡放火故燒人房屋六間以上者。杖一百。若延燒官民
房屋及積聚之物者。杖一百。徒三年。因而盜取
財物者。斬。殺傷人者。以故殺傷論。○若放火故
燒官民房屋及公廨倉庫。係官積聚之物者。皆

斬。須於放火處捕獲。有顯
迹。証驗明白者。乃坐。其故燒人空閒房屋
及田場積聚之物者。各減一等。○並計所燒之
物。減價儘犯人財產。折剉賠償。還官給主。

一各邊倉場。若有故燒。係官錢糧草束者。拏
獲。問明白。將正犯梟首示衆。燒毀之物。先儘犯
人財產。折剉賠償。不敷之數。着落經收看守
之人。照數均賠。與同罪。其輸山。並付。又。燒
一。凡放火故燒自己房屋。因而延燒官民房
屋。及積聚之物。與故燒人空閒房屋。及田場
積聚之物者。俱發邊衛克軍。

凡樂人搬做雜劇戲文。不許粧扮歷代帝王后妃。忠臣烈士。先聖先賢神像。違者杖一百。官民之家。容令粧扮者。與同罪。其神仙道扮。及義夫節婦。孝子順孫。勸人為善者。不在禁限。康熙十六年題准。凡有捏造俚歌。刊刻貨賣。傷壞風俗者。內外地方官查拿。照不應重律治罪。

凡違令者。笞五十。

謂令有禁制。而律無罪名者。

不應為。

凡不應得為而為之者。笞四十。事理重者。杖八十。

捕亡

應捕人追捕罪人。

凡應捕人。承差追捕罪人。而推故不行。若知罪人所在而不捕者。減罪人罪一等。限三十日內能自捕得一半以上。雖不及一半。但所獲者最重。皆免其罪。雖一人捕得。餘人亦同。若罪人已死。及自首各盡者。亦免罪。不盡者。止以不盡之人為坐。其非應捕人。臨時差遣者。各減應捕人。

罪一等。受財故縱者。不給捕限。各與囚同罪。賊
重者。計贓以枉法從重論。分首

凡犯罪逃走拒捕者。各於本罪上加二等。罪止
杖一百。流三千里。毆人至折傷以上者。絞。殺人
者。斬。為從者。各減一等。○若罪人持杖拒捕。其
捕者格殺之。及囚逃走。捕者逐而殺之。若囚窘
迫而自殺者。皆勿論。○若已就拘執。及不拒捕
而殺之。或折傷者。各以鬪殺傷論。罪人本犯應
死而擅殺者。杖一百。

獄囚脫監及反獄在逃
凡犯罪被囚禁而脫監。及解脫自帶枷鎖。越獄
在逃者。各於本罪上加二等。因而竊放他囚。罪
重者。與囚同罪。並罪止杖一百。流三千里。本犯
應死者。依常律。○若罪囚反獄在逃者。皆斬。同
牢囚人。不知情者。不坐。

一各府州縣掌印巡捕官。但有死罪重囚。越
獄三名以上。俱住俸戴罪。勒限緝拿。六名以
上。調用。十名以上。降一級。十五名以上。降二
級。通限三個月以裏。有能盡數拿獲者。免罪。

會典卷一百二十三
衛所官。遇有失囚。亦照前例。若偶因公事他出。致有疎虞者。減見在主守之人罪各一等。其兵備守巡官。係駐劄處所。失事二次。叅奏罰治。撫按官有隱匿不以實開者。聽部院該
中科叅究。
康熙十五年題准。凡有反叛人犯越獄。不論名數多寡。將獄官革職拿問。該管各官革職戴罪。勒限一年督緝。全獲者開復。逾限不全獲者。卽行革職。若係斬絞人犯越獄。不論名數。獄官革職拿問。自一名至五名者。將該管各官革職戴

罪。照限一年督緝。全獲者開復。限外一名不獲者。降一級。二名者降二級。三名者降三級。四名者降四級。俱調用。五名全不獲者。革職。六名以上越獄者。亦照例督緝。如限滿不獲。仍按名數多寡。分別議處。如原叅戴罪督緝官員。限滿降調。有抵銷留任者。再限一年緝拿。如仍不獲。照接緝官例。分別議處。全獲者不議叙。至接緝官亦勒限一年緝拿。能全獲者。不論俸滿卽陞。一名不獲者。罰俸三個月。二三名者。罰俸六個月。四五名者。罰俸九個月。六名以上者。罰俸一年。

人犯照案緝拿。若軍流徒杖笞等犯越獄者。不論名數。獄官革職。該管各官。自一名至十名者。俱住俸戴罪。照限一年督緝。全獲者。開復。逾限不獲一二名。照原品調閑散用。三四名者。降一級。五六名者。降二級。七八名者。降三級。九名十名者。降四級。俱調用。十一名以上者。革職戴罪。照限督緝。如限滿不獲。照例計名數多寡。分別議處。其原叅戴罪督緝官員。限滿降調。有抵銷留任者。再限一年緝拿。不獲者。照接緝官例議處。全獲者。亦不議叙。接緝各官。亦勒限一年督

緝。全獲者。不論俸滿卽陞。一名至四名不獲者。罰俸三個月。五六名者。罰俸六個月。七八名者。罰俸九個月。九名十名以上者。罰俸一年。未獲人犯。照案緝拿。凡署印官有越獄之事者。照見任官例處分。其虛革虛降官員。限內有事故離任者。卽照離任官例。罰俸一年。逃犯責令接管官。再限一年緝拿。如能全獲者。不論俸次卽陞。若前官已獲一二名。接管官將所餘逃犯全獲者。不論名數多寡。紀錄一次。逾限不獲者。仍按罪犯輕重。名數多寡。照接緝官例議處。至於監

犯越獄。該管官當時拿獲。或窮追自盡者。俱免處分。若將別案緝獲賊犯。詐作越獄案內之犯。謊報已獲已死者。俱革職。將轉詳官。罰俸一年。具題之該督撫。罰俸六個月。如該管官將斬絞重犯越獄。隱諱不報者。卽行革職。該管官因公出境。有反叛人犯越獄者。照承緝官例處分。若係斬絞人犯越獄。初叅免其處分。限一年督緝。逾限一二名不獲者。罰俸六個月。三四名者。罰俸一年。五、六名者。降一級調用。七、八名以上者。降二級調用。如係軍流徒杖笞等犯越獄。初叅

免處分。亦限一年督緝。逾限一二名不獲者。罰俸三個月。三、四名者。罰俸六個月。五、六名者。罰俸一年。七、八名以上者。降一級調用。

徒流人逃

凡徒流遷徙囚人。役限內而逃者。一日笞五十。每三日加一等。罪止杖一百。仍發配所。其徒囚照依原犯徒年。從新拘役。役過月日。並不准理。○若起發已經斷決徒流。遷徙充軍囚徒。未到配所。中途在逃者。罪亦如之。○主守及押解人不覺失囚者。一名杖六十。每一名加一等。罪止

杖一百。皆聽一百日內追捕。提調官及長押官。

減主守及押解人罪三等。限內能自捕得。或他

人捕得。若囚已死。及自首。皆免罪。故縱者。各與

囚同罪。受財者。計贓。以枉法從重論。贓罪重。以枉法科之。

縱罪重。仍以故縱科之。杖一百。故縱者。各與

積年民害官吏。見在各處軍者。軍工者。工。

安置者。安置。設若潛地逃回。兩隣親戚。即當

速首。拏赴上司。毋得容隱在鄉。以為民害。敢

有容隱不首者。亦許四隣首。其容隱者。同其

罪而遷發之。以本家產業。給賞其首者。皆置

一凡問發充軍人犯。逃回。原犯真犯死罪。免

死充軍者。照依原問死罪處決。雜犯死罪。以

下充軍者。初犯。問罪枷號三個月。仍發本衛。

再犯。枷號三個月。調極邊衛。若犯至三次。通

濫係着伍以後者。即依守禦官軍律。絞。其有在

逃。逃遇赦者。不分初犯再犯。俱免枷號。仍發原

衛。三犯亦併論擬絞。奏請定奪。三衛民軍

東。各處官司起解逃軍。併軍丁。及克軍人犯。

量地遠近。定立程限。責令管送。若長解縱容

在家遷延。不即起程。違限一年之上者。解人

發附近。正犯原係附近。發邊衛。原係邊衛。發

極邊衛分。各克軍

康熙九年題准。凡軍罪人犯在配所脫逃者。將該管官。罰俸六個月。統轄官。罰俸三個月。軍流徒罪人犯。私自逃回原籍。地方官不行查出者。罰俸一年。

稽留囚徒

凡應徒流遷徙充軍囚徒。斷決後。當該官司限十日內。如法枷杻。差人管押牢固關防。發遣所擬地方交割。若限外無故稽留不送者。三日笞

二十。每三日加一等。罪止杖六十。因而在逃者。就將提調官吏。抵犯人本罪發遣。候捕獲犯人。到官。替役至日。疎放別敘。○若隣近官司。囚到稽留不卽遞送者。罪亦如之。○若發遣之時。提調官吏不行如法枷杻。以致囚徒中途解脫。自帶枷杻在逃者。與押解人同罪。○並罪坐所由受財者。計贓以枉法從重論。○順治十八年題准。凡各省審結叛案内流徙入官人口家產。以部文到日爲始。限兩個月。自該省起解。違限者。題叅議處。其押解人役。亦定限

起發遲延者重責革役○康熙四年題准凡外省擬定軍流人犯以部咨到日限一個月起解仍照律扣定路程如贓多不完限內不能解者聽督撫據實題明若地方官違限不解押解人役限內不到聽督撫指名叅究○七年覆准起解軍流人犯停其新定一月之限仍照律行○九年題准發遣軍流徒犯該管官兩月內不行起解者罰俸一年過一年者降一級調用不行查催之上司罰俸半年若起解遲延致人犯斃獄者降一級調用上司官罰俸一年官員將應

解人犯錯解別處者罰俸六個月若將未經題結軍流等犯先行發遣者降一級留任

平糶令主守不覺失囚

凡獄卒不覺失囚者減囚罪二等若囚自內反獄在逃又減二等聽給限一百日追捕限內能自捕得及他人捕得若囚已死及自首皆免罪司獄官典減獄卒罪三等其提牢官曾經躬親逐一點視罪囚枷鎖杻俱已如法取責獄官獄卒牢固收禁文狀者不坐若不曾點視以致失囚者與獄官同罪故縱者不給捕限各與囚同

罪未斷之間。能自捕得及他人捕得。若囚已死。及自首。各減一等。受財者。計贓以枉法從重論。若賊自外入劫囚。力不能敵者。免罪。○若押解罪囚。中途不覺失囚者。罪亦如之。會錄。康熙九年題准。凡官員將斬絞人犯。在獄不加肘鎖。以致脫逃者。革職。上司官不據實申報。降二級調用。若已加肘鎖。脫逃者。照越獄例。限一年緝拿。不獲者。照罪犯輕重處分。其起解斬絞重犯。不加肘鎖。少差解役。以致脫逃者。降一級調用。軍流徒罪人犯。罰俸一年緝拿。如已加肘

鎖。多差解役。脫逃者。俱照越獄例。按罪犯輕重處分。若係差役得財。將人犯疎縱脫逃者。本管官。照失察衙役犯贓例處分。原解未經交付之先。疎縱脫逃者。將原地方各官議處。如已經交付明白。脫逃者。將承接該管各官議處。

齊查出。知情藏匿罪人。命人首發。事錄。

凡知人犯罪事發。官司差人追喚。而藏匿在家。不行捕告。及指引道路。資給衣糧。送令隱避者。各減罪人罪一等。其展轉相送。而隱藏罪人。知情者。皆坐。不知者。勿論。○若知官司追捕罪人。

而泄漏其事。致令罪人得以逃避者。減罪人罪
三等。未斷之間。能自捕得者。免罪。若他人捕得
及罪人已死。若自首。又各減一等。○
康熙九年題准。凡州縣官。有潛逃反叛正犯。未
經查出。或出具並無印給。被人首發者。革職。將
該管知府。降四級調用。司道。降三級調用。督撫
降一級留任。如係斬絞要犯。未經查出。或具結
後。被人首發者。降二級調用。該府道。罰俸一年。
如係反叛牽連之人。及軍流人犯。未經查出者。
罰俸一年。若將緊要重犯。官員自行藏匿者。革

職

盜賊捕限

凡捕強竊盜賊。以事發日為始。當該應捕弓兵。
一月不獲強盜者。笞二十。兩月笞三十。三月笞
四十。捕盜官。罰俸錢兩月。弓兵一月不獲竊盜
者。笞一十。兩月笞二十。三月笞三十。捕盜官。罰
俸錢一月。限內獲賊及半者。免罪。○若經隔二
十日以上告官者。不拘捕限。捕殺人賊。與捕強
盜限同。

一凡府州縣係有城池。及設有衛所。被賊打

劫倉庫獄囚。或殺死職官。或聚至百人以上。盜者。撫按官就將各掌印操備等官。先行叅奏。十住俸戴罪緝捕。限半年以裏。盡數拿獲。免罪。如過限拿獲未盡。再限三個月盡獲。亦准免罪。若全無拿獲。及再限內不能盡數拿獲者。不分軍衛有司。俱問罪。降二級。文官送部。武官仍於本衛所。各調用。衛所失事。止坐衛所掌印操備等官。兵備守巡。并守備官。駐劄本城者。降一級調用。不係駐劄處所。止調用。若鄉自來不曾設有城池者。掌印巡捕等官。止降

一級。兵備守巡守備等官。分別罰治。一各處民間被賊打劫。即時擒獲者。不分城內城外。各掌印巡捕等官。俱免罪。一月之外。不獲通行住俸。候拏獲一半以上。方准開支。若中間能獲別起。及別府州縣真正強盜。及各越獄重囚。亦准抵數。但不許將照捕名數。朦朧捉拿。以圖抵飾。仍通計一年之內。除盡數拿獲。及拿獲一半以上免罪者。不計外。城內積至五起。城外及無城去處。至十起以上。不分軍衛有司。掌印巡捕等官。叅究問罪。俱

降一級。文官送部。武官於本衛所。各調用。兵備分巡官。分別罰治。一凡強盜打劫。各該有司軍衛員役。不分事情輕重。務要登時從實申報。如有隱匿者。撫按官卽將各該員役。應提問者。提問。應參奏者。就便參奏。酌量情罪。輕則罰治。重則降黜。議擬上請。不許容隱。其撫按官遇有報到。若係殺官劫庫劫獄。併聚至百人以上。或嘯聚不散。及城內打劫至殺人者。卽行奏報。其民間被劫事情。稍輕者。類入歲報冊內。年終具

奏。俱不許容隱。違者。聽部院該科參奏。重治。一京城內外。但有強盜得財傷人者。巡捕把總兵馬等官。卽時擒獲。免罪。仍論功敘錄。若夫有脫逃。俱卽住俸。限三個月。以裏。掣獲一半。以上。姑准開俸。過限不獲。各罰俸三個月。仍總計一年之內。除盡數拿獲。及拿獲一半。免罪者。不計外。城內積至五起。城外十起以上。俱問罪。降一級。文官仍調外用。官凡地方官諱盜不報。順治十三年五月二十一

世祖章皇帝諭旨。近見各處盜賊生發。人民受害。地方官往往懼罪隱匿。以致益無顧忌。嗣後失事者。立刻申報。速圖緝捕。自贖。若仍前隱諱不報。定行法外治罪。欽此。康熙十二年覆准。凡審問強盜。有供出在先行劫之處。卽行咨查督撫。當日失主曾經報官者。卽將該地方官照諱盜例處分。若失主未報。無有實據者。令該督撫取地方官並無諱盜印結繳報。若具結之後。別有發覺。確查隱諱屬真者。仍坐以諱盜不報之罪。又題准失主被盜不報。該管官者。照不應重律治罪。

十三年題准。地方民人聚衆千餘。執持器械。兩相對敵。焚燒房屋。殺傷多人。州縣官雖報司道未報督撫者。降一級調用。○十五年題准。凡地方有殺死人命重情。該管官知情隱諱不報者。革職。將不行查出之司道降一級調用。督撫罰俸一年。不知情不行查出者。降一級留任。上司官免議。○二十三年議准。凡失主所報盜犯。止令存案。不爲確數。俟嚴審初獲之盜。供出真盜。方爲確數。依限緝捕。如限內不能拿獲者。照定例計數處分。

凡承緝叛犯。康熙九年題准。將承緝文武各官。俱革職帶罪。限三年緝拿。如不獲。將文職降一級。武職降二級。各調用。如有加級紀錄。准其抵銷。盜犯仍照案緝拿。武職兼轄各官。降二級戴罪。限三年緝拿。如不獲。亦降一級調用。加級紀錄。亦准抵銷。該省總兵官。罰俸一年。免其停陞。其接緝協緝文武各官。於賊犯發覺之日計算。未滿三年者。仍停其陞轉。緝拿人犯。若已滿三年。俱各罰俸一年。免其停陞。未獲賊犯。仍照案緝拿。○二十三年議准。叛逆人犯。若令案緝。恐

大清地方官員疎忽。仍令嚴行緝拿。○二十四年議准。叛逆人犯。三年未獲者。仍照舊例照案緝拿。凡誣良爲盜。康熙九年題准。捕役誣拿良民爲盜。私用非刑。致死人命者。將該管官革職。道府降二級調用。按察司降一級調用。督撫罰俸一年。如未致死者。該管官降四級調用。道府降一級調用。按察司罰俸一年。督撫罰俸六個月。○又題准。武職官獲盜。卽交有司審理。若不速送。私用非刑審理。及誣良爲盜。致死者。失察之總督。罰俸九個月。未致死者。罰俸六個月。

